

摛藻堂四庫全書薈要

集部

欽定四庫全書叢書要

集部

御定全唐詩卷六百九十五至七

詳校官原任事臣李斯咏

欽定四庫全書
會要卷一萬八千一百

集部

御定全唐詩卷六百九十五

韋莊

韋莊字端已杜陵人見素之後疎曠不拘小節乾寧元年進士授校書郎轉補闕李詢為兩川宣諭和協使辟為判官以中原多故潛欲依王建建辟為掌書記尋召為起居舍人建表留之後相建為平章事集二十卷今編詩五卷補遺一卷

章臺夜思

清瑟怨遙夜，
遠弦風雨哀。
孤燈聞楚角，
殘月下章臺。
芳草已云暮，
故人殊未來。
鄉書不可寄，
秋雁又南迴。

延興門外作

芳草五陵道，
美人金犢車。
綠衣穿內水，
紅落過牆花。
馬足倦遊客，
鳥聲歡酒家。
王孫歸去晚，
宮樹欲棲鴉。

劉得仁墓

至公遺至藝，終抱至冤沉。
名有詩家業，身無戚里心。
桂

和秋露滴松帶夜風吟冥冥知春否墳蒿日已深

下第題青龍寺僧房

千蹄萬轂一枝芳要路無媒果自傷題柱未期歸蜀國
曳裾何處謁吳王馬嘶春陌金羈闊鳥睡花林繡羽香
酒薄恨濃消不得却將惆悵問支郎

虢州澗東村居作

東南騎馬出郊坰迴首寒煙隔郡城清澗漲時翹鶩喜
綠桑疎處哺牛鳴兒童見少生於客奴僕驕多倨似兄

試望家田還自適滿畦秋水稻苗平

送日本國僧敬龍歸

扶桑已在渺茫中家在扶桑東更東此去與師誰共到
一船明月一帆風

對酒

何用巖棲隱姓名一壺春酌可忘形伯倫若有長生術

直一作應到如今醉未醒

尹喜宅

荒原秋殿柏蕭蕭何代風煙占寂寥
紫氣已隨儂仗去白雲空向帝鄉消
濛濛暮雨春雞唱漠漠寒蕪雪兔跳
欲問靈蹤無處所十洲空闊間山遙

途中望雨懷歸

滿空寒雨漫霏霏去路雲深鎖翠微
牧豎遠當煙草立飢禽閒傍渚田飛誰家樹壓紅榴折
幾處籬懸白菌肥對此不堪鄉外思荷蓑遙羨釣人歸

古離別

一作

多情

晴煙漠漠柳毵毵不那離情酒半酣更把玉鞭雲外指

斷腸春色在江南

柳谷道中作却寄

馬前紅葉正紛紛馬上離情斷殺魂曉發獨辭殘月店
暮程遙宿隔雲村心如岳色留秦地夢逐河聲出禹門
莫怪苦吟鞭拂地有誰傾蓋待王孫

灞陵道中作

春橋南望水溶溶一桁晴山倒碧峰秦苑落花零露濕

灞陵新酒撥醅濃青龍夭矯盤雙闕丹鳳襯裊隔九重
萬古行人離別地不堪吟罷夕陽鐘

秋日早行

上馬一作馬上蕭蕭襟袖涼路穿禾黍繞宮牆半山殘月露

華冷一㟁野風蓮萼香煙外驛樓紅隱隱渚邊雲樹暗
蒼蒼行人自是心如火兔走鳥飛不覺長

歎落花

一夜霏微露濕煙曉來和淚喪蟬娟不隨殘雪埋芳草

盡一作又

逐香一作春

風上舞筵西子去時遺笑靨謝娥行

處落金鉢飄紅墮白堪惆悵長少別穠華又隔年

宮怨

一辭同輦閉昭陽耿耿寒宵禁漏長銃上翠禽應不返
鏡中紅艷豈重芳螢低夜色棲瑤草水咽秋聲傍粉牆
展轉令人思蜀賦解將惆悵感君王

關河道中

槐陌蟬聲柳市風驛樓高倚夕陽東往來千里路長在

聚散十年人不同但見時光流似箭豈知天道曲如弓

平生志業匡堯舜又擬滄浪學釣翁

題盤豆驛水館後軒

極目晴川展畫屏地從桃塞接蒲城灘頭鷺占清波立
原上人侵落照耕去鴈數行天際沒孤雲一點淨中生
憑軒盡日不回首楚水吳山無限情

梁氏水齋

獨醉任騰騰琴棋亦自能卷簾山對客開戶犬迎僧看

蟻移苔穴聞蛙落石層夜窓風雨急松外一菴燈

曲池

江一作作

細雨曲池濱青袍草色新詠詩行信馬載酒喜逢人性
為無機率家因守道貧若無詩自遣誰奈寂寥春

嘉會里閑居

豈知城闕內有地出紅塵草占一方

一坊作

綠樹藏千古

春馬嘶遊寺客犬吠探花人寂寂無鐘鼓槐行接紫宸

夏夜

傍水遷書榻開襟納夜涼星繁愁晝熱露重覺荷香蛙
吹鳴還息蜘蛛滅又光正吟秋興賦桐景下西牆

早發

早霧濃於雨田深黍稻低出門雞未唱過客馬頻嘶樹
色遙藏店泉聲暗傍畦獨吟三十里城月尚如珪

寓言

黃金日日銷還鑄仙桂年年折又生兔走烏飛如未息
路塵終見泰山平

對雪獻薛常侍

璚林瑤樹忽珊珊急帶西風下晚天皓鶴襯飛不辨
玉山重疊凍相連松裝粉穗臨窓亞水結冰錐簇溜懸
門外寒光利如劍莫推紅袖訴金船

題裴端公郊居

暫隨紅旆佐藩方高跡終期卧故鄉已近水聲開澗戶
更侵山色架書堂蒲生岸脚青刀利柳拂波心綠帶長
莫奪野人樵牧興白雲不識繡衣郎

登咸陽縣樓望雨

亂雲如獸出山前
細雨和風滿渭川
盡日空濛無所見
鴈行斜去字聯聯

貴公子

大道青樓御苑東
玉欄僂杏壓枝紅
金鈴犬吠梧桐月
朱鬢馬嘶楊柳風
流水帶花穿巷陌
夕陽和樹入簾櫳
瑤池宴罷歸來醉
笑說君王在月宮

聽趙秀才彈琴

滿匣冰泉咽又鳴玉音閒澹入神清巫山夜雨弦中起
湘水清波指下生蜂簇野花吟細韻蟬移高柳送殘聲
不須更奏幽蘭曲卓氏門前月正明

觀獵

苑牆東畔欲斜暉傍苑穿花兔正肥公子喜逢朝罷日
將軍誇換戰時衣鶻翻錦翅雲中落犬帶金鈴草上飛
直待四郊高鳥盡掉鞍齊向國門歸

三堂東湖作

滿塘秋水碧泓澄十畝菱花晚鏡清景動新橋橫蝦蟆
㟁鋪芳草睡鷁鵠蟾投夜魄當湖落巒倒秋蓮入浪生
何處最添詩客興黃昏煙雨亂蛙聲

放榜日作

一聲天鼓闢金扉三十仙材上翠微葛水霧中龍乍變
綠山煙外鶴初飛鄒陽暖艷催花發太皞春光簇馬歸
迴首便辭塵土世彩雲新換六銖衣

寄薛先輩

懸知迴日綵衣榮仙籍高標第一名瑤樹帶風侵物冷
玉山和雨射人清龍翻瀚海波濤壯鶴出金籠燕雀驚
不說文章與門地自然毛骨是公卿

訪含弘山僧不遇留題精舍

滿院桐花鳥雀喧寂寥芳草茂芊芊吾師正遇歸山日
閑客空題到寺年池竹閉門教鶴守琴書開篋任僧傳
人間不自尋行跡一片孤雲在碧天

寄從兄遵

江上秋風正釣鱸九重天子夢翹車不將高臥邊劉主
自吐清談護漢儲滄海十年龍景斷碧雲千里雁行疎
相逢莫話歸山計明日東封待直廬

漁塘十六韻在朱陽縣石嵒下古老云洛水一派流出此山

洛水分餘脈一作派穿巖出石稜碧經嵐氣重清帶露華

澄瑩澈通三島巖梧悟一作積萬層巢由應共到劉阮想

同登壁峻苔如畫山昏霧似蒸撼松衣有雪題石硯生

冰路熟雲中客名留域外僧飢猿尋落橡鬪鼠墮高藤

一作弗

嶮樹臨溪亞殘莎帶岝崿持竿聊藉草待月好垂釣對
景思任父開圖想不一作興晚風輕浪疊暮雨濕煙凝
似泛靈槎出如迎羽客昇仙源終不測勝概自相仍欲
別誠堪憇長歸又未能他時操史筆為爾著良稱

冬日長安感志寄獻虢州崔郎中二十韻

帝里無成久滯淹別家三度見新蟾却詵丹桂無人指
阮籍青襟有淚霑溪上却思雲滿屋鏡中惟怕雪生鬚
病如原憲誰能療蹇似劉蕡豈用占霧雨十年同隱遁

風雷何日振沈潛吁嗟每被更聲引歌咏還因酒思添
客舍正甘愁寂寂郡樓遙想醉懨懨已聞鈴閣懸新詔
即向綸闈副具瞻濟物便同川上穢慰心還似邑中黔
觀星始覺中郎貴問俗方知太守廉宅後綠波棲畫鷁
馬前紅袖簇丹襜閒招好客斟香蟻悶對瓊花詠散鹽
積凍慢封寒雷細暮雲高拔遠峰尖訟堂無事冰生印
水榭高吟月透簾松下圍棋期褚脩筆頭飛箭薦陶謙
未知匣劍何時躍但恐鉛刀不再銛雖有遠心長擁篲

恥將新劖學編占纔驚素節移銅律又見玄冥變玉籤
百口似萍依廣嶼一身如燕戀高簷如今正困風波力
更向人中問宋纖

和薛先輩見寄初秋寓懷即事之作二十韻

玉律初移候清風乍遠襟一聲蟬到耳千炬火然心嶽
靜雲堆翠樓高日半沈引愁憎暮角驚夢怯殘砧露白
凝湘簾風篁韻蜀琴鳥喧從果爛堦淨任苔侵柿葉添
紅景槐柯減綠陰採珠逢寶窟閱石見瑤林魯殿鏗寒

王苔山激碎金鄰堂流桂景陳菴集車音名自張華顯
詞因葛亮吟水深龍易失天遠鶴難尋鑒貌寧慚樂論
才豈謝任義心孤劖直學海怒濤深既覩文兼質翻疑
古在今慙聞紆綠綬即候挂朝簪晚樹連秋塢斜陽映
暮岑夜蟲方唧唧疲馬正駸駸託跡同吳燕依仁似越
禽會隨仙羽化香蟻且同斟

同舊韻

大火收殘暑清光漸惹襟謝莊千里思張翰五湖心暮

角迎風急孤鐘向暝沈露滋三徑草日動四鄰砧簾委
班姬扇蟬悲蔡琰琴方愁丹桂遠已怯二毛侵梵石迴
泉脉移棋就竹陰觸絲蛛墮網避隼鳥投林貌愧潘郎
壁文慙呂相金但埋酆獄氣未發爨桐音靜笑劉琨舞
閑思阮籍吟野花和雨斲怪石入雲尋跡竟競一作終非
一切幻一作幽閒且自任趨時慙藝薄託質仰一作恩深美
價方稀古清名已絕今既聞留縞帶詎肯擲著簪遲客
虛高閣迎僧出亂岑壯心徒戚戚逸足自駿駿安羨倉

中鼠危同幕上禽期君調鴟鴞他日俟羊斟

三用韻

素律初迴馭商飈暗觸襟乍傷詩客思還動旅人心蟬
噪因風斷鱗遊見鷺沈笛聲隨晚吹松韵激遙砧地覆
青袍草窗橫綠綺琴煙霄難自致歲月易相侵
間柳橫孤筠巖藤架密陰瀟湘期釣侶
杜別家林遺愧虞卿壁言依季布金錚鏃聞郢唱次第發巴音
螢影衝簾落蟲聲擁砌吟樓高思共釣寺遠想同尋入夜愁難遣逢

秋恨莫任蝎遊苔徑滑鶴步翠塘深莫問榮蕪辱寧論
古與今固窮憐瓮牖感舊惜嵩簪晚日舒霞綺遙天倚
黛峯鴛鷺方翩翩驛驥整駿駿未化投波竹空思出谷
禽感多聊自遣桑落且閒斟

驚秋

不向煙波狎釣舟強親文墨事儒丘長安十二槐花陌

曾負秋風多少秋

登漢高廟閒眺

獨尋仙境上高原雲雨深藏古帝壇天畔晚峰青簇簇
檻前春樹碧團團參差郭外樓臺小斷續風中鼓角殘
一帶遠光何處水釣舟閑繫夕陽灘

耒陽縣浮山神廟

一郡皆傳此廟靈廟前松桂古今青山曾堯代浮洪水
地有唐臣真綠醞遶坐香風吹寶蓋傍簷烟雨濕巖扃
為霖自可成農歲何用興師遠伐邢

愁

避愁愁又至愁至事難忘夜坐心中火朝為鬢上霜不
經公子夢偏入旅人腸借問高軒客何鄉是醉鄉

村居書事

年年耕與釣鷗鳥已相依砌長蒼苔厚藤抽紫蔓肥風
鶯移樹轉雨燕入樓飛不覺春光暮遙籬紅杏稀

三堂早春

獨倚危樓四望遙杏花春陌馬聲驕池邊冰刃暖初落
山上雪稜寒未銷溪送綠波穿郡宅日移紅影度村橋

主人年少多情味笑換金龜鮮珥貂

御定全唐詩卷六百九十五

欽定四庫全書
全唐詩卷六百九十六

集部

御定全唐詩卷六百九十六

韋莊

雨霽晚眺

庚子年冬大
駕幸蜀後作

入谷路縈紆巖巔日欲晡嶺雲寒埽蓋溪雪凍黏鬚臥
草跔如兔聽冰怯似狐仍聞關外火昨夜徹皇都

立春日作

九重天子去蒙塵御柳無情依舊春今日不關妃妾事

始知辜負馬嵬人

贈雲陽裴明府

南北三年一解攜海為深谷嶧為蹊已聞陳勝心降漢
誰為田橫國號齊暴客至今猶戰鶴故人何處尚驅雞
歸來能作煙波伴我有魚一作漁舟在五溪

賊中與蕭韋二秀才同臥重疾二君尋愈余獨
加焉恍惚之中因有題

與君同臥疾獨我漸彌留弟妹不知處兵戈殊未休胸

中疑晉豎耳下鬪殷牛縱有秦醫在懷鄉亦淚流

重圍中逢蕭校書

相逢俱此地此地是何鄉側目不成語撫心空自傷
劔高無鳥度樹暗有兵藏底事征西將年年戍洛陽

咸通

咸通時代物情奢歡殺金張許史家破產競留天上樂
鑄山爭買洞中花諸郎宴罷銀燈合僂子遊迴璧月斜
人意似知今日事急催弦管送年華

白櫻桃

一作于
鄴詩

王母堦前種幾株水精簾外看如無只應漢武金盤上
瀉得珊瑚白露珠

夜景

滿庭松桂雨餘天宋玉秋聲韻蜀弦烏兔不知多世事
星辰長似太平年誰家一笛吹殘暑何處雙砧擣暮煙
欲把傷心問明月素娥無語淚娟娟

宿山家

山行侵夜到雲竇一星燈草動蛇尋穴枝搖鼠上藤背
風開藥竈向月展漁罝明日前溪路煙蘿更幾層

長年

一作感懷

長年方悟少年非人道新詩勝舊詩十畝野塘留客釣
一軒春雨對僧棋花間醉任黃鸝語一作說亭上吟從白
鷺窺大盜不將爐冶去有心重築太平基

辛丑年

九衢漂杵已成川塞上黃雲戰馬閒但有羸兵填渭水

更無奇士出商山
田園已沒紅塵裏
弟妹相逢白刃間

西望翠華殊未返
淚痕空濕劍文斑

思歸

暖絲無力自悠悠
揚牽引東風斷客腸
外地見花終寂寞
異鄉聞樂更淒一作刺悲
涼紅垂野岸
櫻還熟綠染迴汀草

又芳舊里若為歸
去好子期凋謝呂安亡

憶昔

昔年曾向五陵遊
子夜歌清月滿樓
銀燭樹前長似畫

露桃華裏

一作下

不知秋西園公子名無心南國佳人號

莫愁今日亂離俱是夢夕陽唯見水東流

合歡蓮花

虞舜南巡去不歸二妃相誓死江湄空留萬古香魂在
結作雙葩合一枝

覽蕭必先卷

滿軸編新句翛然大雅風名因五字得命合一言通景
畫才難盡吟終意未終似逢曹與謝煙雨思何窮

和人歲宴旅舍見寄

積雪滿前除寒光夜皎如老憂新歲近貧覺故交疎意
合論文後心降得句初莫言常鬱鬱天道有盈虛

宿泊孟津寄三堂友人

鮮纓西征未有期槐花又逼桂花時鴻臚陌上歸耕晚
金馬門前獻賦遲只恐愁苗生兩鬢不堪離恨入雙眉
分明昨夜南池夢還把漁竿詠楚詞

對酒賦一作贈友人

多病仍多感君心自我心浮生都是夢浩歎不如吟白
雪篇篇麗清酣盞盞深亂離俱老大強醉莫沾襟

天井闕

太行山上雲深處誰向雲中築女牆短綆詎能垂玉甃
繚垣何用學金湯斬開嵐翠為高壘截斷雲霞作巨
防守吏不教飛鳥過赤眉何路到吾鄉

贈邊將

昔因征遠向金微馬出榆闕一鳥飛萬里只携狐劔去

十年空逐塞鴻歸手招都護新降虜身著文皇舊賜衣
只待烟塵報天子滿頭霜雪為兵機一作壯心無事別無機

春日

忽覺東風

一作君

景漸遲野梅山杏暗芳菲落星樓上吹

殘角偃月營中挂夕暉

旅夢亂隨蝴蝶散離魂一作漸情

逐杜鵑飛紅塵遮斷長安陌芳草王孫暮不歸

早秋夜作

翠簟初清暑半銷

撤簾松韻送輕風一作颺莎庭露永琴

書潤山郭月明砧杵遙傍砌綠苔鳴蟋蟀遶簷紅樹織
蟬娟不須更作悲秋賦王粲辭家鬢已凋

寄江南逐客

二年音信阻湘潭花下相思酒半酣記得竹齋風雨夜
對床孤枕話江南

冬夜

睡覺寒爐酒半消客情鄉夢兩遙遙無人為我磨心劍
割斷愁腸一寸苗

又聞湖南荆渚相次陷沒

幾時聞唱凱旋歌處處屯兵未倒戈天子只憑紅旆壯
將軍空恃紫髯多屍填漢水連荆阜血染湘雲接楚波
莫問流離南越事戰餘空有舊山河

家叔南遊却歸因獻賀

繚繞江南一歲歸歸來行色滿戎衣長聞鳳詔徵兵急
何事龍韜獻捷稀旅夢遠依湘水閑離魂空伴越禽飛
遙知倚棹思家處澤國煙深暮雨微

楚行吟

章華臺下一作上草如煙故郢城頭月似弦惆悵楚宮雲

雨後露啼花笑一年年

洛陽吟

時大駕在蜀巢寇未平洛中寓居作七言

萬戶千門夕照邊開元時節舊風煙宮官試馬遊三市
舞女乘舟上九天胡騎北來空進主漢皇西去竟昇仙
如今父老偏垂淚不見承平四十年

過舊宅

華軒不見馬蕭蕭
廷尉門人久寂寥
朱檻翠樓為卜肆
玉欄儂杏作春樵
階前雨落鴛鴦瓦
竹裏苔封蠟蠟橋
莫問此中銷歇事一作事
娟娟紅淚滴芭蕉

喻東軍

四年龍馭守峨嵋
鐵馬西來步步遲
五運未教移漢鼎
六韜何必待秦師
幾時鸞鳳歸丹闕
到處烏鳶從白旗
獨把一樽和淚酒
隔雲遙奠武侯祠

清河縣樓作

有客微吟獨凭樓碧雲紅樹不勝愁盤鷓迴印天心沒
遠水斜牽日脚流千里戰塵連上苑九江歸路隔東周
故人此地揚帆去何處相思雪滿頭

北原閒眺

春城迴首樹重重立馬平原夕照中五鳳灰殘金翠滅
六龍遊去市朝空千年王氣浮清洛萬古坤靈鎮碧嵩
欲問向來陵谷事野桃無語淚花紅

贈戍兵

漢皇無事暫遊汾底事狐狸嘯作羣夜指碧天占晉分
曉磨孤劍望秦雲紅旌不卷風長急畫角閒吹日又曛
止竟有征須有戰洛陽何用久屯軍

覩軍迴戈

關中羣盜已心離關外猶聞羽檄飛御苑綠莎嘶戰馬
禁城寒月搵征衣漫教韓信兵塗地不及劉琨嘯解圍
昨日屯軍還夜遁滿車空載洛神歸

中渡晚眺

魏王堤畔草如煙有客傷時獨扣舷妖氣欲昏唐社稷
夕陽空照漢山川千重碧樹籠春苑萬縷紅霞襯碧天
家寄杜陵歸不得一迴回首一潸然

河內別村業閒題

阮氏清風竹巷深滿溪松竹似山陰門當谷路多樵客
地帶河聲足水禽閒伴爾曹雖適意靜思吾道好霑襟
鄰翁莫問傷時事一曲高歌夕照沉

聞官軍繼至未覩凱旋

嫖姚何日破重圍秋草深來戰馬肥已有孔明傳將略
更聞王導得神機陣前鼙鼓晴應響城上烏鳶飽不飛
何事小臣偏注目帝鄉遙羨白雲歸

和集賢侯學士分司丁侍御秋日雨霽之作

洛㟁秋晴夕照長鳳樓龍闕倚清光玉泉山淨雲初散
金谷樹多風正涼席上客知蓬島路坐中寒有柏臺霜
多慙十載遊梁士却伴賓鴻入帝鄉

題安定張使君

器度風標合出塵桂宮何負一枝新成丹始見金無滓
衝斗方知劍有神憤氣不銷頭上雪政聲空布海邊春
中興若繼開元事堪向龍池作近臣

頴陽縣

琴堂連少室故事即僂蹤樹老風聲壯山高臘候濃雪
多庭有鹿縣僻寺無鐘何處留詩客茆簷倚後峰

寄園林主人

主人常不在春物為誰開桃艷紅將落梨花雪又摧曉

鶯閒自轉遊客暮空回尚有餘芳在猶堪載酒來

洛北村居

十畝松篁百畝田歸來方屬大兵年巖邊石室低臨水
雲外嵐峰半入天鳥勢去投金谷樹鐘聲遙出上陽煙
無人說得中興事獨倚斜暉憶仲宣

對梨花贈皇甫秀才

林上梨花雪壓枝獨攀瓊艷不勝悲依前此地逢君處
還是去年今日時且戀殘陽留綺席莫推紅袖訴金卮

騰騰戰鼓正多事須信明朝難重持

立春

青帝東來日馭遲
煖煙輕逐曉風吹
罽袍公子樽前覺
錦帳佳人夢裏知
一作雪圃乍開紅菜甲
綵幡新翦一作展綠

楊絲殷勤為作一作欲獻宜春曲題向花牋帖繡襦

村笛

簫韶九奏韻淒鏘
曲度雖高調不傷
却見孤村明月夜
一聲牛笛斷人腸

題李斯傳

蜀魄湘魂萬古悲未悲秦相死秦時臨刑莫恨倉中鼠
上蔡東門去自遲

贈薛秀才

相辭因避世相見尚兵戈亂後故人少別來新話多但
聞哀痛詔未覩凱旋歌欲結巖棲伴何山好薜蘿

和元秀才別業書事

僻居春事好水曲亂花陰浪過河移岸雉成鳥別林綠

錢榆貫重紅障杏籬深莫飲宜城酒愁多醉易沈

紀村事

綠蔓映雙扉循牆一徑微雨多庭果爛稻熟渚禽肥釀
酒迎新社遙砧送暮暉數聲牛上笛何處餉田歸

題許儂師院

地古多喬木遊人到且吟院開金鑠澀門映綠篁深山
色不離眼鶴聲長在琴往來誰與熟乳鹿住前林

離筵訴酒

感君情重惜分離送我殷勤酒滿卮不是不能判酩酊
却憂前路醉醒時

不寐

不寐天將曉心勞轉似灰蛟吟頻到耳鼠鬪競緣臺戶
閣知蟾落林喧覺雨來馬嘶朝客過知是禁門開

贈武處士

一身唯一室高靜若僧家掃地留疎影穿池浸落霞綠
蘿臨水合白道向村斜賣藥歸來醉吟詩倚釣柂

題吉澗盧拾遺莊

主人西遊去不歸滿溪春雨長春薇怪來馬上詩一作許

情好印點一作破青山白鷺飛

題賴源廟

曾是巢由棲隱地百川唯說賴源清微波乍向雲根吐
去浪遙衝雪嶂橫萬木倚簷疏幹直羣峰當戶曉嵐晴
臨川試問堯年事猶被封人勸濯纓

東遊遠歸

扣角千名計已疎
劍歌休恨食無魚
辭家柳絮三春半
臨路槐花七月初
江上欲尋漁父醉
日邊時得故人書
青雲不識楊生面
天子何由問子虛

新正日商南道中作寄李明府

相看又見歲華新
依舊楊朱拭淚巾
踏雪偶因尋戴客
論文還比聚星人
嵩山不改千年色
洛邑長生一路塵
今日與君同避世
却憐無事是家貧

春暮

一春春事好病酒起常遲流水綠縈砌落花紅墮枝樓
高喧乳燕樹密鬪雛鶯不學山公醉將何自解頤

哭麻處士

却到歌吟地閒門草色中百年流水盡萬事落花空總

帳扁

一作寒

秋月詩樓鏘夜蟲少微何處墮留恨白楊風

春早

聞鶯纔覺曉閉戶已知晴一帶窗間月一作日斜穿枕上

生

明一作

和友人

閉一作圭門同隱士不出動經時靜閱王維畫閒翻褚脩

棋落泉當戶急殘月下窗遲却想從來意譙周亦自嗤

春愁

寓思本多傷逢春恨更長露沾湘竹淚花墮越梅妝睡
怯交加夢間傾歛灔觴後庭人不到斜月上松篁

晚春

花開疑乍富花落似初貧萬物不如酒四時唯愛春蛾

娥秦氏髻皎皎洛川神風月應相笑年年醉病身

題許渾詩卷

江南才子許渾詩字字清新句句奇十斛明珠量不盡
惠林虛作碧雲詞

贈禮佛名者

何用辛勤禮佛名我從無得到真庭尋思六祖傳心印
可是從來讀藏經

殘花

一作于
鄧詩

和煙和露雪

一作雨

太離披金葉紅鬚尚滿枝十日笙歌一

宵夢苧蘿因

一作煙

雨失哭一

一作哭

西施

御定全唐詩卷六百九十六

欽定四庫全書
全唐詩卷一萬八千一百二集部

御定全唐詩卷六百九十七

韋莊

上元縣

刺西作

南朝三十六英雄角逐興亡盡此中有國有家皆是夢
為龍為虎亦成空殘花舊宅悲江令落日青山弔謝公
止竟霸圖何物在石麟無主臥秋風

江上逢史館李學士

前年分袂陝城西醉凭征軒日欲低去浪指期魚必變
出門回首馬空嘶關河自此為征壘城闕於今陷戰鼙
時巢寇未平誰謂世途陵是谷燕來還識舊巢泥

金陵圖

誰謂傷心畫不成畫人心逐世人情君看六幅南朝事
老木寒雲滿故城

謁蔣帝廟

建業城邊蔣帝祠素鬚清骨舊風姿江聲似激秦軍破

山勢如匡晉祚危殘雪嶺頭明組練晚霞簷外簇旌旗
金陵客路方流落空祝回鑾奠酒卮

聞再幸梁洋

纔喜中原息戰革又聞天子幸巴西延燒魏闕非關燕
大狩陳倉不為難興慶玉龍寒自躍昭陵石馬夜空嘶
遙思萬里行宮夢太白山前月欲低

王道者

五雲遙指海中央金鼎曾傳肘後方三島路岐空有月

十洲花木不知霜因攜竹杖聞龍氣為使僕童帶橘香
應笑我曹身是夢白頭猶自學詩狂

陪金陵府相中堂夜宴

滿耳笙歌滿眼花滿樓珠翠勝吳娃因知海上神仙窟
只似人間富貴家繡戶夜攢紅燭市舞衣晴曳碧天霞
却愁宴罷青蛾散揚子江頭月半斜

和侯秀才同友生泛舟溪中相招之作

嵇阮相將棹酒船晚風侵浪水侵舷輕如控鯉初離岸

遠似乘槎欲上天雨外鳥歸吳苑樹鏡中人入洞庭煙
憑君不用回舟疾今夜西江月正圓

贈野童

羨爾無知野性真亂搔蓬髮笑看人間衝暮雨騎牛去
宵問中興社稷臣

代書寄馬

驅馳曾在五侯家見說初生自渥洼鬃白似披梁苑雪
頸肥如撲杏園花休嫌綠綬嘶貧舍好著紅纓入使衙

穩上雲衢千萬里年年長踏魏堤沙

題淮陰侯廟

滿把

一作
挹

椒漿奠楚祠碧幢黃錢舊英威能扶漢代成

王業忍見唐民陷戰機雲夢去時高鳥盡淮陰歸日故

人稀如何不借平齊策空看長星落賊圍

送崔郎中往使西川行在

拜書辭玉帳萬里劖關長新馬杏花色綠袍春草香一
身朝玉陛幾日過銅梁莫戀爐邊醉僂宮侍侍郎

潤州顯濟閣曉望

清曉水如鏡隔江人似鷗遠煙藏海島初日照揚州地
壯孫權氣雲凝庾信愁一蓬何處客吟凭釣魚舟

觀淛西府相畋遊

十里旌旗十萬兵等閒遊獵出軍城紫袍日照金鵝鬪
紅旆風吹畫虎綈帶箭彩禽雲外落避鵠寒兔月中驚
歸來一路笙歌滿更有僂娥載酒迎

官莊

江南富民悉以犯酒沒家產因以此詩諷之淛帥遂改酒法不入財產

誰氏園林一簇煙路
人遙指盡長歎桑田一作林稻澤今

無主新犯香醪沒入官

解維

又解征帆落照中暮程還過秣陵東二一作三年辛苦煙

波裏贏得風姿似釣翁

雨霽池上作呈侯學士

鹿巾藜杖葛衣輕雨歇池邊晚吹清正是如今江上好

白鱗紅稻紫尊羹

寓言

為儒逢世亂吾道欲何之學劖已應晚歸山今又遲故人三載別明月兩鄉悲惆悵滄江上星星鬢有絲

哭同舍崔員外

却到同遊地三年一電光池塘春草在風燭故人亡祭罷泉聲急齋餘磬韻長碧天應有恨斜日弔松篁

題姑蘇凌處士莊

一簇林亭返照間門當官道不曾關花深遠岸黃鶯閣

雨急春塘白鷺閒載酒客尋吳苑寺倚樓僧看洞庭山
怪來話得僊中事新有人從物外還

過當塗縣

客過當塗縣停車訪舊遊謝公山有墅李白酒無樓采
石花空發鳥江水自流夕陽誰共感寒鶯立汀洲

江亭酒醒却寄維揚餞客

別筵人散酒初醒江步黃昏雨雪零滿坐綺羅皆不見

覺來紅樹一作燭背銀屏

臺城

江雨霏霏江草齊六朝如夢鳥空啼無情最是臺城柳
依舊煙籠十里堤

贈漁翁

草衣荷笠鬢如霜自說家編楚水陽滿岸秋風吹枳橘
遶陂煙雨種菰蔔蘆刀夜鱠紅鱗膩水飫朝蒸紫芋香
曾向五湖期范蠡爾來空閭久相忘

過揚州

當年人未識兵戈處處青樓夜夜歌花發洞中春日永
月明衣上好風多淮王去後無雞犬燭帝歸來葬綺羅
二十四橋空寂寂綠楊摧折舊官河

寄右省李起居

已向鴛行接雁行便應雙拜紫薇郎纔聞闕下徵書急
已覺回朝草詔忙白馬似憐朱紱貴采衣遙惹御爐香
多慙十載遊梁客未換青襟侍素王

鑄白

白髮太無情。朝朝鋏。又生始因絲。一縷漸至雪。千莖不
避佳人笑。唯慙稚子驚。新年過半百。猶歎未休兵。

漳亭驛小櫻桃

一作桃花

當年此樹正花開。五馬僂郎載酒來。李白已亡工部死。
何人堪伴玉山頰。

酬吳秀才霅川相送

一葉南浮去似飛。楚鄉雲水本無依。離心不忍聞春鳥。
病眼何堪送落暉。揜袂客從花下散。棹舟人向鏡中歸。

夫君別我應惆悵十五年來識素衣

對雨獨酌

榴花新釀綠於苔對雨閒傾滿滿杯荷鋤醉翁真達者
臥雲逋客竟悠哉能詩豈是經時策愛酒原非命世才
門外綠蘿連洞口馬嘶應是步兵來

夏初與侯補闕江南有約同泛淮汴西赴行朝
莊自九驛路先至角橋補闕由淮楚續至泗上
寢病旬日遽聞捐館回首悲慟因成長句四韻

弔之

已後自淛西遊汴宋路至陳倉迎
駕却過昭義相州路歸金陵作

本約同來謁帝闈忽隨川浪去東奔九重聖主方虛席
千里高堂尚倚門世德只應榮伯仲詩名終自付兒孫
遙憐月落清淮上寂寞何人弔旅魂

汴堤行

欲上隋堤舉步遲隔雲烽燧叫非時纔聞破虜將休馬
又道征遼再出師朝見西來為過客暮看東去作浮屍
綠楊千里無飛鳥日落空投舊店基

旅次甬西見兒童以竹槍紙旗戲為陣列主人
叟曰斯子也三世沒於陣思所襲祖父讐余因
感之

已聞三世沒軍營又見兒孫學戰爭見爾此言堪慟哭
遣予何日望時平

自孟津舟西上雨中作

秋煙漠漠雨濛濛不卷征飄任晚風百口寄安瀉海上
一身逃難綠林中來時楚岸楊花白去日隋堤蓼穂紅

却到故園翻似客歸心迢遞秣陵東

舍山店夢覺作

曾為一作是流離慣別家等閒揮袂客

一作各

天涯燈前一

覺江南夢惆悵起來山月斜

題貂黃嶺官軍

散騎蕭蕭下太行遠從吳會去陳倉斜風細雨江亭上
盡日凭欄憶楚一作鄉

過內黃縣

相州吹角欲斜陽匹馬搖鞭宿內黃僻縣不容投刺客
野陂時遇射鵝郎雲中粉堞新城壘店後荒郊舊戰場
猶指去程千萬里秣陵煙樹在何鄉

雜感

莫悲建業荆榛滿昔日繁華是帝京莫愛廣陵臺榭好
也曾蕪沒作荒城魚龍爵馬皆如夢風月煙花豈有情
行客不勞頻悵望古來朝市歎衰榮

垣縣山中尋李書記山居不遇留題河次店

白雲紅樹屹娘一作繞娘東名鳥羣飛古畫中僕吏不知何

處隱山南山北雨濛濛

送人遊并汾

風雨蕭蕭欲暮秋獨攜孤劍塞垣遊如今虜騎方南牧
莫過陰關第一州

李氏小池亭十二韻

時在婺州寄居作

積石亂巒嶺度莎綠不芟小橋低跨水危檻半依巖花
落魚爭唼櫻紅鳥競鶡竹咸切鳥啄物也引泉疏地脈掃絮積

山嵌古柳紅綃織新篁紫綺緘養猿秋嘯月放鶴夜棲
杉枕簟谿雲膩池塘海雨鹹語窗雞逞辨砥鼎犬偏饒
踏蘚青粘屐攀蘿綠映衫訪僧舟北渡貰酒日西銜遲客
登高閣題詩遶翠嵒家藏何所寶清韻滿琅函

遣興

如幻如泡世多愁多病身亂來知酒聖貧去覺錢神異
國清明節空江寂寞春聲聲林上鳥喚我北歸秦

婺州和陸諫議將赴闕懷陽羨山居

望闕路仍遠子牟魂欲飛道開燒藥鼎僧寄臥雲衣故
國饒芳草他山桂夕暉東陽雖勝也王粲奈思歸

江上題所居

故人相別盡朝天苦竹江頭獨閉關落日亂蟬蕭帝寺
碧雲歸鳥謝家山青州從事來偏熟泉布先生老漸慳
不是對花長酩酊永嘉時代不如閒

婺州屏居蒙右省王拾遺車枉降訪病中延候
不得因成寄謝

三年流落臥漳濱，王粲思家拭淚頻。
畫角莫吹殘月夜，病心方憶故園春。
自為江上樵蘇客，不識天邊侍從臣。
怪得白鷗驚去盡，綠蘿門外有朱輪。

將卜蘭芷村居留別郡中在仕

蘭芷江頭寄斷蓬，移家空載一飄風。
伯倫嗜酒還因亂，平子歸田不為窮。
避世漂零人境外，結茅依約畫屏中。
從今隱去應難覓，深入蘆花作釣翁。

和陸諫議避地寄東陽進退未決見寄

未歸天路紫雲深暫駐東陽歲月侵入洛聲華當世重
閔周章句滿朝吟開爐夜看黃芽鼎臥甕閒欹白玉簪
讀易草玄人不會憂君心是致君心

山墅閒題

遞遙前岡壓後岡一川桑柘好殘陽主人饋餉炊紅黍
鄰父攜竿釣紫鯈靜極却嫌流水閑閒多翻笑野雲忙
有名不那無名客獨閑衡門避建康

江上逢故人

前年送我曲江西紅杏園中醉似泥今日逢君越溪上

杜鵑花發鶯鵠啼來時舊里人誰在別後滄波路幾迷

江畔玉樓多美酒仲宣懷土莫淒淒

旅中感遇寄呈李秘書昆仲

南望愁雲鑠翠微謝家樓閣雨霏霏劉楨病後新詩少
阮籍貧來好客稀猶喜故人天外至許將孤劍日邊歸
懷鄉不怕嚴陵笑只待秋風別釣磯

送范評事入閩

寂寥門戶寡相親日日頻來只有君正喜琴尊長作伴
忽攜書劍遠辭羣傷心柳色離亭見聒耳蟬聲故國聞
為報明年杏園客與留絕艷待終軍

東陽酒家贈別二絕句

送君同上酒家樓酩酊翻成一笑休正是落花饒悵望
醉鄉前路莫回頭

天涯方歎異鄉身又向天涯別故人明日五更孤店月

醉醒何處淚一作霑巾

江上村居

本無踪跡戀柴扃世亂須教識道情顛倒夢魂愁裏得
援奇詩句望中生花緣艷絕裁難好山為看多詠不成
聞道漢軍新破虜使來仍說近離京

江外思鄉

一作歸

年年春日異鄉悲杜曲黃鶯可得知更被夕陽江岸上
斷腸煙柳一絲絲

和鄭拾遺秋日感事一百韻

禍亂天心厭流離客思傷有家拋上國無罪謫遐方負
笈將辭越揚飄欲泛湘避時難駐足感事易回腸雅道
何銷德妖星忽耀中原初縱燎下國竟探湯盜據三
秦地兵纏八水鄉戰塵輕犯闕羽旆遠巡梁自此修文
代俄成講武場熊羆驅涿鹿犀象走昆陽御馬迷新棧
宮娥改舊妝五丁功再覩八難事難忘鳳引金根疾兵
環玉弩彊建牙雖可恃摩壘詎能防霍廟神遐遠圮橋
路杳茫出師威似虎禦敵狠如羊看畫猶思赤巾裁未

厭黃晨趨鳴鐵騎夜舞挹瓊觴僭侈形襜亂誼呼繡眉
攘但聞爭曳組詎見學垂鞬鵠印提新篆龍泉奪曉霜
軍威徒逗撓我武自維揚負扆勞天眷凝旒念國章繡
旗張畫獸寶馬躍紅鸞但欲除妖氣寧思蔽耿光曉煙
生帝里夜火入春坊鳥怪巢宮樹狐驕上苑牆設危終
在德視履豈無祥氣激雷霆怒神驅岳瀆忙功高分虎
節位下耻龍驤遍命登壇將巡封異姓王志求扶墜典
力未振頽綱漢路闊鵬鷁雲衢駐驃驃寶裝軍器麗靡

袞戰袍香日覩兵書捷時間虜騎亡人心驚獮易雀意
伺螳螂上略咸推妙前鋒詎可當紵金光照耀執玉意
藏昂覆餗非無謂奢華事每詳四民皆組綬九土墮耕
桑飛騎黃金勒香車翠鈿裝八珍羅膳府五采闕筐牀
宴集喧華第歌鐘簇畫梁永期傳子姓寧誤犯天狼未
覩君除側徒思玉在傍竄身奚可保易地喜相將國運
方夷險天心詎測量九流雖暫蔽三柄豈相妨小孽乖
踵次中興繫昊蒼濟堯功已普罪已德非涼帝念惟思

理臣心豈自遑詔催青瑣客時待紫微郎定難輸宸算

勝災減

一作減

御梁皇恩思蕩蕩睿澤轉洋洋偃臥雖非

晚難亦備嘗舜庭招諫鼓漢殿上書囊儉德遵三尺

清朝俟一匡世隨漁父醉身效接輿狂竄逐天寶遭

罹異建康道孤悲海遙家遠隔天潢卒歲貧無褐經秋

病泛漳似魚甘去乙比蟹未成筐守道慙無補趨時愧

不臧殷牛常在耳晉豎欲潛育忸恨山思板懷歸海欲

航角吹魂悄悄笛引淚浪浪亂覺乾坤窄貧知日月長

勢將隨鶴列。忽喜遇駕行。已報新回駕。仍聞近納隍。
文風銷劍楯。禮物換旛裳。紫闈重開序。青衿再設庠。
黑頭期命爵。頰尾尚憂飭。吳坂嘶騏驥。岐山集鳳皇。
詞源波浩浩。諫署玉鏘鏘。飼雀曾傳慶。烹蛇詎有殃。
弭一揮作
劖鋩匣劍淬。神鎚誇謠寧。慙直堂堂不謝張。曉風趨建禮。
夜月直文昌。去國時雖久。安邦志不常。良金鑪自躍。
美玉揷難藏。北望心如旆。西歸律變商。跡隨江燕去。
心逐塞鴻翔。晚翠籠桑塢。斜暉挂竹堂。路愁千里月。

愛萬斯箱伴釣歌前浦隨樵上遠岡驚眠依晚嶼鳥浴
上枯楊驚夢緣歌枕多吟為倚廊訪僧紅葉寺題句白
雲房馳外青楓老萼前紫菊芳夜燈銀耿耿曉露玉瀼瀼
異國慙傾蓋歸塗俟併糧身雖留震澤心已過雷塘
執友知誰在家山谷已荒海邊登桂檝煙外泛雲檣巢
樹禽思越嘶風馬戀羌寒聲愁聽杵空館厭聞蟹望闕
飛華蓋趨朝振玉璫米慙無薏苡麵喜有枕榔話別心
重結傷時淚一滂佇歸蓬島後綸詔潤青絅

夢入關

夢中乘傳過關亭
南望蓮峰簇簇青
馬上正吟歸去好
覺來江月滿前庭

送人歸上國

送君江上日西斜
泣向江邊滿樹花
若見青雲舊相識
為言流落在天涯

聞春鳥

雲晴春鳥滿江村
還似長安舊日聞
紅杏花前應笑我

我今顛賴亦一作却羞君

櫻桃樹

記得初生一作開雪滿枝和蜂和蝶帶花移而今花落遊

蜂去空作主人惆悵詩

獨鶴

夕陽灘上立裴回紅蓼風前雪翅開應為不知棲宿處
幾回飛去又飛來

新栽竹

寂寞階前見此君，遶欄吟罷却沾巾。
異鄉流落誰相識，

唯有叢篁似一作
似伴主人

稻田

綠波春浪滿前坡，極目連雲襯極肥。
更被鷺鷥千點雪，破煙來入畫屏飛。

庭前菊

為憶長安爛漫開，我今移爾滿庭栽。
紅蘭莫笑青青色，曾向龍山泛酒來。

燕來

去歲辭巢別近鄰
今來空訝草堂新
花開對語應相問
不是村中舊主人

倚柴關

杖策無言獨倚關
如癡如醉又如閒
孤吟盡日何人會
依約前山似故山

題七步廊

席一作杜 門無計那一作奈 殘陽更接簷
前七步廊不羨東

都丞相宅每行吟得好篇章

語松竹


庭前芳草綠於一作如袍堂上詩人矮二毛多病不禁秋
寂寞雨松風竹莫騷騷

御定全唐詩卷六百九十七

謹案卷六百九十六第三頁前六行大盜不將爐
冶去按原集大盜作大道

第七頁後三行娟娟紅淚滴芭蕉按原集滴作泣
第十頁後三行歸來方屬大兵年按原集大兵作

太平



總校官庶吉士臣張能照
校對官庶吉士臣許兆椿
謄錄監生臣李惠滋

欽定四庫全書
唐詩一萬八千一百三集部

御定全唐詩卷六百九十八

韋莊

不出院

楚公自三衡至江西作

禪關閉心猿日漸馴不知城郭路稀識市朝人履
帶階前雪衣無寺外塵却嫌山翠好詩客往來頻

江邊吟

江邊烽燧幾時休江上行人雪滿頭誰信亂離花不見

只應惆悵水東流陶潛政事千杯酒張翰生涯一葉舟
若有片飄歸去好可堪重倚仲宣樓

江南送李明府入闈

雨花煙柳傍江鄰流落天涯酒一樽分首不辭多下淚
回頭唯恐更消魂我為孟館三千客君繼寧王五代孫
正是中興磐石重莫將顛願入都門

送福州王先輩南歸

豫章城下偶相逢自說今方遇至公八韻賦吟梁苑雪

六銖衣惹杏園風名標玉籍儂壇上家寄閩山畫障中
明日一杯何處別綠楊煙岸雨濛濛

夜雪泛舟遊南溪

大江西面小溪斜入竹穿松似若耶兩岸嚴風吹玉樹
一灘明月曨一作照銀砂因尋野渡逢漁舍更泊前灣上
酒家去去不知歸路遠棹聲煙裏獨嘔啞

江行西望

西望長安白日遙半年無事駐蘭橈欲將張翰秋一作松

江雨畫作屏風寄鮑昭

銅儀

銅儀一夜變葭灰暖律還吹嶺上梅已喜漢官今再覩
更驚堯歷又重開窗中遠岫青如黛門外長江綠似苔
誰念閑關張仲蔚滿庭春雨長蒿萊

含香

含香高步已難陪鶴到清霄勢未回遇物旋添芳草句
逢春寧滯碧雲才微紅幾處花心吐嫩綠誰家柳眼開

却去金鑾為近侍便辭鷗鳥不歸來

春雲

春雲春水兩溶溶倚郭樓臺晚翠濃山好只因人化石
地靈曾有劍為龍宮辭鳳闕頻經歲家住峨嵋第幾峰
王粲不知多少恨夕陽吟斷一聲鐘

雲散

雲散天邊落照和關關春樹鳥聲多劉伶避世唯沈醉
寧戚傷時亦浩歌已恨歲華添皎鏡更悲人事逐頽波

青雲自有鶴鴻待，莫說他山好薜蘿。

袁州作

家家生計只琴書，一郡清風似魯儒。
山色東南連紫府，水聲西北屬洪都。
煙霞盡入新詩卷，郭邑閒開古畫圖。
正是江村春酒熟，更聞春鳥勸提壺。

題袁州謝秀才所居

主人年少已能詩，更有松軒桂夕暉。
芳草似袍連徑合，白雲如鳥傍簷飛。
但將竹葉消春恨，莫遣楊花上客衣。

若有前山好煙雨與君吟到暝鐘歸

謁巫山廟

亂猿啼處訪高唐路入煙霞草木香山色未能忘宋玉
水聲猶似哭襄王朝朝暮暮陽臺下為雨為雲楚國亡
惆悵廟前無限柳春來空鬪畫眉長

鶼鷀

南禽無侶似相依錦翅雙雙傍馬飛孤竹廟前啼暮雨
汨羅祠一作江畔弔殘暉秦人只解歌為曲越女空能畫

作衣懊惱澤家非一作知有恨年年長憶鳳城一作皇歸懊惱

澤家鷓鴣也

宿蓬船

夜來江雨宿蓬船臥聽淋鈴不忍眠却憶紫微情調逸
阻風中酒過年年

送李秀才歸荆溪

八月中秋月正圓送君吟上木蘭船人言格調勝玄度
我愛篇章敵浪儂晚渡去時衝細雨夜灘何處宿寒烟

楚王宮去陽臺近莫倚風流滯少年

洪州送西明寺省上人遊福建

記得初騎竹馬年送師來徃御溝邊荆榛已失當時路
槐柳全無舊日煙遠自嵇山遊楚澤又從廬岳去閩川
新春閣下應相見紅杏花中覓酒儂

建昌渡暝吟

月照臨官渡鄉情獨浩然鳥棲彭蠡樹月上建昌船市
散漁翁醉樓深賈客眠隔江何處笛吹斷綠楊煙

歲除對王秀才作

我惜今宵促君愁玉漏頻豈知新歲酒猶作異鄉身雪
向寅前凍花從子後春到明追此會俱是隔年人

酒渴愛江清

酒渴何方療江波一掬清瀉甌如練色漱齒作泉聲味
帶他山雪光含白露精只應千古後長稱伯倫情

和李秀才郊墅早春吟興十韻

暖律變寒光東君景漸長我悲遊海嶠君說住柴桑雪

色隨高嶽冰聲陷古塘草根微吐翠梅朵半含霜酒市
多逋客漁家足夜航匡廬雲傍屋彭蠡浪衝牀綠擺楊
枝嫩紅挑菜甲香鳳皇城已盡鸚鵡賦應狂佇見龍辭
沿寧憂雁失行不應雙劔氣長在斗牛傍

泛鄱陽湖

四顧無邊鳥不飛大波驚隔楚山微紛紛雨外靈均遇
瑟瑟雲中帝子歸遲鯉似梭投遠浪小舟如葉傍斜暉
鷗夷去後何人到愛者雖多見者稀

黃藤山下聞猿

黃藤山下駐歸程
一夜號猿弔旅情
入耳便能生百恨
斷腸何必待三聲
穿雲宿處人難見
望月啼時鬼正明
好笑五陵年少客
壯心無事也沾纓

章江作

杜陵歸客正襄回
玉笛誰家叫落梅
之子棹從天外去
故人書自日邊來
楊花慢惹霏霏雨
竹葉閒傾滿滿杯
欲問維揚一作旌陽舊風月
一江紅樹亂猿哀

南遊富陽江中作

南去又南去此行非自期一飄雲作伴千里月相隨
良跡花應笑衰容鏡每知鄉園不可問禾黍正離離

饒州餘干縣琵琶洲有故韓賓客宣城裴尚書
條行李侍郎舊居遺址猶存客有過之感舊因
以和吟

琵琶洲近斗牛星鸞鳳曾於此放情已覺地靈因昴降
更聞川媚有珠生一灘紅樹留佳氣萬古清弦續政聲

戟戶盡移天上去里人空說舊簪纓

九江逢盧員外

前年風月宿琴堂大指僂山近帝鄉別後幾沾新雨露
亂來猶記舊篇章陶潛豈是銅符吏田鳳終為錦帳郎
莫怪相逢倍惆悵九江煙月似瀟湘

南昌晚眺

南昌城郭枕江煙草水悠悠浪拍天芳草綠遮僂尉宅
落霞紅襯賈人船霏霏閣上千山雨嚙嚙雲中萬樹蟬

怪得地多章句客
庾家樓在斗牛邊

衢州江上別李秀才

千山紅樹萬山雲
把酒相看日又曛
一曲離歌兩行淚

更知何地

一作處

再逢君

湘中作

千重煙樹萬重波
因便何妨弔汨羅
楚地不知秦地亂
南人空怪北人多
臣心未肯教遷鼎
天道還應欲止戈
否去泰來終可待
夜寒休唱飯牛歌

桐廬縣作

錢塘江盡到桐廬水碧山青畫不如白羽鳥飛嚴子瀨
綠蓑人釣季鷹魚潭心倒影時開合谷口閒雲自卷舒
此境只應詞客愛投文空弔木玄虛

東陽贈別

繡袍公子出旌旗送我搖鞭入翠微大抵行人難訴酒
就中辭客易沾衣去時此地題橋去歸日何年佩印歸
無限別情言不得回看溪柳恨依依

寄湖州舍弟

半年江上愴離襟
把得新詩喜又吟
多病似逢秦氏藥
久貧如得顧家金
雲煙但有穿揚志
塵土多無作吏心
何況別來詞轉麗
不愁明代少知音

信州西三十里山名僊人城下有月巖山其狀
秀拔中有山門如滿月之狀余因行役過其下

聊賦是詩

驅車過閩越路出饒陽西僊山翠如畫簇簇生虹蜺羣

峰若侍從衆阜如嬰提巖巒互吞吐嶺岫相追攜中有
月輪滿皎潔如圓珪玉皇恣遊覽到此神應迷常娥曳
霞帔引我同攀躋騰騰上天半玉鏡懸飛梯瑤池何悄
悄鸞鶴煙中棲回頭望塵世露下寒淒淒

婺州水館重陽日作

異國逢佳節憑高獨苦吟一杯今日醉

一作酒

萬里故園

心水館紅蘭合山城紫菊深白衣雖不至鷗鳥自相尋

避地越中作

避世移家遠天涯歲已周豈知今夜月還是去年愁露
果珠沈水風蠻燭上樓傷心潘騎省華髮不禁秋

撫州江口雨中作

江上閒衝細雨行滿衣風灑綠荷聲金騮掉尾橫鞭望
猶指廬陵半日程

信州溪岸夜吟作

夜倚臨溪店懷鄉獨苦吟月當山頂出星倚水濱沈霧
氣漁燈冷鐘聲谷寺深一城人悄悄琪樹宿僊禽

訪潯陽友人不遇

不見安期悔上樓寂寥人對鶯鶯愁蘆花雨急江煙暝
何處潺潺獨棹舟

東林寺再遇僧益大德

見師初事懿皇朝三殿歸來白馬騎上講每教傾國聽
承恩偏得內官饒當時可愛人如畫今日相逢鬢已凋
若向君門逢舊友為傳音信到雲霄

西塞山下作

西塞山前水似藍
亂雲如絮滿澄潭
孤峰漸映盜城北
片月斜生夢澤南
釀動曉煙烹紫蕨
露和香蒂摘黃柑
他年却棹扁舟去
終傍蘆花結一巵

齊安郡

彌棹齊安郡
孤城百戰殘
傍村林有虎帶
郭縣無官幕
角梅花怨清江
桂影寒未離
緣底事撩我
起長歎

夏口行寄婺州諸弟

回頭煙樹各天涯
婺女星邊遠寄家
盡眼楚波連夢澤

滿衣春雪落江花雙雙得伴爭如雁一一歸巢却羨鷗
誰道我隨張博望悠悠空外泛僊槎

南省伴直

甲寅年自江
南到京後作

文昌二十四僂曹盡倚紅簷種露桃一洞煙霞人迹少
六行槐柳鳥聲高星分夜彩寒侵帳蘭惹春香綠映袍
何事愛留詩客宿滿庭風雨竹蕭騷

鄂杜舊居二首

知到山陽事事非谷雲谿鳥尚相依阮咸貧去田園盡

向秀歸來父老稀秋雨幾家紅稻熟野塘何處錦鱗肥
年年為獻東堂策長是蘆花別釣磯

一徑尋村渡碧溪稻花香澤水千畦雲中寺遠磬難識
竹裏巢深鳥易迷紫菊亂開連井合紅榴初綻拂簷低
歸來滿把如渑酒何用傷時歎鳳兮

寄江南諸弟

萬里逢歸雁鄉書忍淚封吾身不自保爾道各何從性
拙唯多蹇家貧半為傭祇思溪影上臥看玉華峰

投寄舊知

却將顛願入都門，自喜青霄足故人。
萬里有家留百越，十年無路到三秦。
摧殘不是當時貌，流落空餘舊日貧。
多謝青雲好知己，莫教歸去重沾巾。

癸丑年下第獻新先輩

五更殘月省牆邊，絳旆婉旌卓曉煙。
千炬火中鶯出谷，一聲鐘後鶴冲天。
皆乘駿馬先歸一作爭先去，獨被羸童笑。
晚眠對酒暫時情，豁爾見花依舊涕潸然。
未酬闋澤儻。

書債猶欠君平賣卜錢何事欲休休不得來年公道似

今年

題汧陽縣馬跑泉李學士別業

水滿寒塘菊滿籬
籬邊無限彩禽飛
西園夜雨紅櫻熟
南畝清風白稻肥
草色自留閒客住
泉聲如待主人歸
九霄歧路忙於火
宵戀斜陽守釣磯

絳州過夏留獻鄭尚書

朝朝沈醉引金船
不覺西風滿樹蟬
光景暗消銀燭下

夢魂長寄玉輪邊
因循每被時流誚
奮發須由國士憐
明月空腸何處斷
綠槐風裏獨揚鞭

綏州作

雕陰無樹水難一南作流
雉堞連雲古帝州
帶雨晚駝鳴
遠戍望鄉孤客倚高樓
明妃去日花應笑
蔡琰歸時鬢已秋
一曲單于暮烽起
扶蘇城上月如鉤